

егемен

Акылжол

## Ардың жүгі нардың жүгінен де ауыр



Бұл өткен 2017 жылы болып еді. Жанға жайлыш жаймашуақ қоныр күз. Үлкен зал толы халық. Орын жетпеген біраз адам залдың қос қапталы мен арт жағында түрегеліп тұр. Мінбеге көтерілген кезекті шешен зал толы халыққа қыдырта көз тастады да құлаққа жағымды қоныр үнмен сөйлеп кетті. Аққуба өнін күн қақтаған, орта бойлы, ашаң денелі, ақ шашты, ойлы, мұңлы көзінен жылдылық, жып-жылы жүзінен нұр төгілген оның сөзін халық беріле тындалп отыр.

Алдындағы қағазға оқта-текте көз қызығын салып, су төгілмес жорғадай төгілте сөйлеп, толымды ой толғап тұрган ақының азамат академик Кенжеғали Эбенұлы Сағадиев еді. Ахмет Байтұрсынов атындағы Қостанай педагогикалық университетінің үлкен залында өтіп жатқан жының қазақтың әйгілі батыры Шақшак Жәнібекке арналған халықаралық конференция болатын.

Шақшак Жәнібектің өмірі мен ерлігін көп жыл бойы зерттеп, ол жайлыш көлемді кітап жазған ғалым Ерофеева және де басқа да жан-жақтан келген ғұламалардан кейін сөйлеген Кенжеғали Сағадиевке айттар сөз қалмаған сияқты еді. Жоқ, олай болмай шықты. Кенже-ағам сөзінің басында Шақшак Жәнібек өмір сүрген орта мен уақыт жайлыш әрі қысқа, әрі нұсқа айтты да ел корғаған ердің ерліктерін аз сөзіне көп мағына сыйғызып баяндай келіп, өзінен бұрын сөйлеген айттулы ғалымдар айтпаған ой айтты. «Шақшак Жәнібектің қазақтың өзге батырларынан ерекшелігі, артықшылығы десек те болады, – деп сөзін сабактады академик Сағадиев, – ақ білектің күші, ақ найзаның ұшына ғана емес, ақыл мен айлаға арқа тіреген мемлекеттік

денгейде дипломат болғаны. Соның нәтижесінде күрмеуі қатты күрделі талай түйін қылышпен емес, сөзбен шешілді». Осылай деп кемел ой, кең тыныспен көсілген академик осы соны пікірлеріне Шақшақ Жәнібекті зерттеуші ғалымдардың өзіне де беймәлім тың деректерді алға тартты. Сағадиевтің сөзін тыңдал отырып мен: «Бұл ағамыз аса білгір экономист қана емес, өте білімді тарихшы екен» деген ой түйдім.

Осыдан бірер сағат бұрын Қостанай қаласындағы үлкен аланда бой көтерген Шақшақ Жәнібектің ат үстінде тұрған еңселі ескерткішінің ашылу салтанатында алғашқы сөзді де Сағадиев айттып еді. Онда айтқан сөздерін кейбір таяз ойлылар құсап қайталаған жоқ. Үлкен алаң толы қатары қалып халық Сағадиевтің қысқа да болса қызулы сөзін ыстық ықыласпен тыңдал, сатырлата қол соғып, құрмет көрсетіп еді. Митингі аяқталған соң Сағадиевті қоршаған топ оған алғыстарын жаудырып, ақсакалдар ақ батасын беріп жатты. Халықтың Сағадиевке деген құрметінде шек жоқ. Ол орынды да. Бұлай дейтініміз Шақшақ Жәнібекке қойылған ескерткіш Сағадиевтің тынымсыз ізденісі мен табанды еңбегінің, академиктің ел, халық алдындағы биік беделінің арқасында орнады. Мемлекеттен бір тыын қаржы алмай, демеушілер тапқан да, ақының, ақылман азамат, талантты жобалаушы, «Казгор» президенті Әбдісағит Тәттіғұлов бастаған жобалаушылар мен мұсіншілерді осы іске жұмылдырған да, қашан ескерткіш жасалып біткенше Астанадан Алматыға сан мәрте келіп, зиялы қауымның басын қосып, ақылдасқан да Сағадиевтің өзі. Сағадиевтің ол еңбегі өз жемісін берді. Шақшақ Жәнібек өзге батырлардай ат үстінде тұrsa да бұл ескерткіштің өзгелерді қайтала-майтын өзгеліктері көп. Оны сөзбен жеткізу мүмкін емес, оны көру, көнілге тоқу керек!

Осы тұста басын ашып, қайталап айтатын бір жай – кейбір жеңіл ойлы желбуаз, қызғаншақтар айттып жүргендей Сағадиев Шақшақ Жәнібек ескерткішін орнатуға әр минуты есептеулі алтын уақыты мен күш-жігерін жұмсағанда атағын шығару үшін емес, елге пайдам тисін, қазактың, елін, жерін қорғаған батыр бабамыздың рухы асқақтап, жастарды отаншылдыққа тәрбиелеуге септесін деген ойда болғаны анық. Ал атаққұмарлық оған жат. Онсыз да бір кісіге жетерлік, атақ, абырай оны өздері іздей тапты. Себебі табиғи талант және табанды еңбек дейтін қос қанат оны биіктеге алып ұшты. Осы тұста Пифагордың «Бақытты қуып қара тер болма, оны өзінің ісін мен ішінен ізде» деген сөзі ойға оралып тұр.

Академик Сағадиев бүгінгі биігіне оп-оңай көтерілген жоқ. Сырт көзге жолы болғыш көрінгенмен, соғыс салған салмақты бала болса да көпpen бірге белі қайысып көтерді. Еңбек, еңбек, тағы да еңбек! Еңбек бәрін де женбек екенін өз өмірімен дәлелдеді. Мұзаттар Әлімбаевтың:

Мен білемін не табуды, нені іздең,

Еңбек қана елдің ұлы дегізбек, – деген сөзі бүгін де оның бағдаршамы, адастырмас ақ жұлдызы, бақ жұлдызы. Шын ғалым мен нағыз жазушының еңбекке араласқан күні болады, зейнетке шықкан күні болмайды. Олар үшін зейнетке шығу деген қағаз жүзінде ғана, іс жүзінде олар жүректің оты жеткенше, о дүниеге кеткенше ел үшін еңбек ете береді. Бұған академик

Кенжеғали Сағадиевтің бүгінгі тіршілігі айқын айғақ. Тәуелсіздік таңы атқалы Елбасының жанынан табылып, құні бүгінге дейін сертке берік болып, сенімді ақтап жүр. Сағадиевтің ақысызыз, пұлсыз ешкімге міндесінбей мінсіз атқарып жүрген қоғамдық жұмыстары бастан асады.

Академик Кенжеғали Әбенұлының ғылыми еңбектерінің негізгі бағыты: материалдық-техникалық жабдықтаудың экономикалық тиімділігін арттыру мәселелері, Қазақстандағы экономикалық реформа теориясы мен әдіснамасы. 150-ден астам ғылыми еңбегі жарық көрген ғалым Кембридж өмірбаяндық орталығының «Жыл адамы-1992» атағын алған. Елге сіңірген еңбегі елеңіп, көптеген ордендер мен марапаттардың иесі атанды.

Адам өз өмірінде көп кісілермен кездесіп, танысады. Әйтсе де барлық өзендердің мұхитқа құймайтыны секілді, барлық кездесулер есте қала бермейді. Сол ондаған, жүздеген, тіпті мындаған ұшырасулар ішінде ерекше есте қалатын кездесулер де болады. Академик Кенжеғали Сағадиевпен кездесулерімді мен ерекше есте қалған кезеңді кездесулер деп білемін. Ғұлама ағамен әр ұшырасудан алатын үлгі, өнеге көп. Өте көп.

Асқар таулар алыстан көз тартады. Әйтсе де, біз әдетте ең алдымен таудың биқтігін ескереміз де, ол көтерер ауыр жүк жайлышты кеш ойлаймыз, кейде тіпті мүлдем ұмытып та кетеміз. Ең бастысы, халқы үшін қалтқысыз қызмет етіп, ұлтының ары іспетті азаматтың кейінге қалдырған өнегесі аз емес. Академик Кенжеғали Сағадиевтің өмірбаяны ардың жүгі нардың жүгінен де ауыр болатындығының айқын дәлелі.

Сәбит ДОСАНОВ, Мемлекеттік сыйлықтың лауреаты

Толығырақ: <https://egemen.kz/article/164729-ardynh-zhugi-nardynh-zhuginen-de-ayut>